

KATRIYÈM PATI

Priyè krétyin-an

PRÉMIÉ SÉKSION

Priyè-a nan lavi krétyin-an

2558 « Ala li gran, mistè lafoua-a ! ». L'Égliz-la déklaré-l nan Sinbòl Apot-
yo (*prémié pati*) épi li sélébré-l nan litiji sakréman-yo (*dézièm pati*), pou
lavi fidèl-yo vîn konfòm ak Kris-la nan Éspri-Sin-an pou gloua Bondié
Papa-a (*touazièm pati*). Sé poutèt sa mistè sa-a égzijé pou fidèl-yo kouè-l,
pou yo sélébré-l épi pou yo viv dapré li nan yon rélasion vivan épi pèsoneèl
avèk Bondié ki vivan é ki vré-a. Rélasion sa-a sé priyè-a.

Kisa priyè-a yé ?

« Pou mouin, *priyè-a* sé yon élan kè-a, sé yon voyé jé gadé sièl-la tou
simpléman, sé yon rèl rékonésans ak rinmin ni nan éprèv ni nan kè kontan »
(Ste. Thérèse de l'Enfant-Jésus, ms. autob. C 25r).

Priyè-a tankou yon kado Bondié

2559 « Priyè-a sé lévé léspri-a monté nan Bondié : oubyin sé mandé Bondié
bagay ki konvnab-yo » (S. Jean Damascène, f. o. 3, 24 : PG 94, 1089D).
Apati ki koté n-ap palé lè n-ap priyé ? Èské sé apati rotè ògèy-nou épi
pròp volonté-nou oubyin « nan bafon-yo » (Ps 130, 14) ak yon kè ki
rabésé épi ki krazé ? Sé moun ki rabésé-a y-ap lévé anlè (cf. Lc 18, 9-14).
2613 *Umilitéé*-a sé fondman priyè-a. « Nou pa konnin kijan pou nou priyé » (Rm
2736 8, 26). *Umilitéé*-a sé dispozision pou résévoua kado priyè-a gratis : moun-
nan ap mandé Bondié fè-l lacharité (cf. S. Augustin, serm. 56, 6, 9 : PL
38, 381).

2560 « Si-ou té konnin kado Bondié-a ! » (Jn 4, 10). Présizéman, mèvèy
priyè-a sé la li révélé, bò kot pui-a koté nou vîn chèché dlo nou bézouin-
an : sé la Kris-la vîn rankontré tout moun kòm créatu, sé li-minm an
prémié k-ap chèché nou épi ki mandé nou bouè. Jézu souaf, démann li-a
vîn soti nan profondè Bondié ki dézire nou. Priyè-a, kit nou konn sa, kit
nou pa konn sa, sé rankont ant souaf Bondié-a ak souaf nou-an. Bondié
souaf nou souaf li (cf. S. Augustin, quæst. 64, 4 : PL 40, 56).

2561 « Sé ou minm pètèt ki t-a mandé-l, épi li t-a ba-ou dlo vivan-an » (Jn 4, 10). Priyè demann nou-an, yon fason moun pa t-a pansé, sé yon répons li yé. Répons nou bay plint Bondié vivan-an : « Yo té abandoné-m, mouin minm sous dlo vivan-an, pou yo t-al fouyé pou yo sitèn fann, sitèn ki pa kapab kinbé dlo » (Jr 2, 13), répons lafoua-a bay Promès sové-a (salu-a) ki gratis-la (cf. Jn 7, 37-39 ; Is 12, 3 ; 51, 1), répons rinmin-an bay souaf sèl Pitit-la (cf. Jn 19, 28 ; Za 12, 10 ; 13, 1).

Priyè-a tankou yon Alians

2562 Koté priyè moun-nan vîn soti ? Kèlkésoua langaj priyè-a (jès épi paròl), sé tout moun-nan k-ap priyé. Min pou indiké koté priyè-a soti-a, Sint-Ékritu-yo palé pafoua osijè nanm-nan oubyin osijè léspri-a, pi souvan osijè kè-a (plis pasé mil foua). *Kè-a* priyé. Si li louin Bondié, ékspréssion priyè-a vid.

2563 Kè-a sé kay koté mouin yé-a, koté mouin abité-a (dapré ékspréssion sémitik-la oubyin bibliik-la : koté « mouin désann-nan »). Li sé pouin santral-nou ki kaché-a, sa ni rézon-nou ni rézon lòt moun-yo pa kapab konprann-nan ; sé sèlman Éspri Bondié-a ki kapab sondé-l épi konnin-l. Sé koté désizyon pran, nan pi gran profondè tandans psichik nou-yo. Sé koté vérité-a yé, koté nou chouazi lavi oubyin lanmò. Sé koté rankont-la fèt, poutèt kòm sé dapré pòtré Bondié nou yé, nou viv nan rélasyon : sé koté Alians-la fèt.

2564 Priyè krétyin-an sé rélasyon Alians ant Bondié ak moun-nan nan Kris-la. Sé aksion Bondié ak moun-nan ; li jayi sot nan Éspri-Sin-an ak nan nou, li totalman dirijé kot Papa-a, ansanm ak volonté moun Pitit Bondié-a ki tounin moun-nan.

Priyè-a tankou yon Kominion

2565 Nan Nouvo Alians-la, priyè-a sé rélasyon vivan pitit Bondié-yo avèk Papa-a ki bon san limit-la, avèk Pitit li-a Jézu-Kri épi avèk Éspri-Sin-an. Lagras Rouayòm-nan sé « kontanplasyon pouvoua-roua Sint Trinité-a [...] ki fè tout sa-l yé antré nan tout léspri-nou » (S. Grégoire de Naz., or. 16, 9 : PG 35, 954C). Konsa lavi priyè-a sé abitué rété nan prezans Bondié ki toua foua Sin-an épi nan kominion avèk li. Kominion lavi sa-a toujou posib, paské, palintèmediè Batèm-nan, nou vîn fè youn ak Kris-la (cf. Rm 6, 5). Priyè-a sé yon priyè *krétyin* nan mézi li sé kominion ak Kris-la épi li gayé nan l'Égliz-la ki kò li-a. Dimansion-l yo sé dimansion rinmin Kris-la (cf. Ep 3, 18-21).